

OFFERYNNAU STATUDOL CYMRU

2020 No. 206

Rheoliadau Rheolaethau Swyddogol (Iechyd Planhigion ac Organeddau a Addaswyd yn Enetig) (Cymru) 2020

RHAN 11

Troseddau ynglŷn â deddfwriaeth iechyd planhigion

Cyffredinol

38.—(1) Mae person yn cyflawni trosedd os yw'n torri'r canlynol, neu'n methu â chydymffurfio â hwy—

- rheoliad 24(1), 25(1) neu 26(1);
- paragraff 2 neu 4 o Atodlen 1;
- paragraffau 2(1) neu (2), 5(1) neu (2), 11(1), 12(1), 13(1), 14(1), 15, 20(1), 21(7), 22(2), 27(1), 28(7), 29(2) neu 31(2) o Atodlen 2;
- un o ddarpariaethau Rheoliad Iechyd Planhigion yr UE a bennir yn Rhan 1 o Atodlen 3;
- un o ddarpariaethau'r Rheoliad Rheolaethau Swyddogol a bennir yn Rhan 2 o Atodlen 3 (i'r graddau y mae'n gymwys i blanhigion, cynhyrchion planhigion neu wrthrychau eraill sy'n destun un o reolau iechyd planhigion yr UE);
- darpariaeth mewn unrhyw ddeddfwriaeth arall yr UE a bennir yn Rhan 3 o Atodlen 3;
- darpariaeth mewn unrhyw benderfyniad brys gan yr UE a bennir yn Atodlen 4.

(2) Ond nid yw paragraff (1) yn gymwys i unrhyw beth a wneir o dan y canlynol, neu yn unol â hwy—

- awdurdodiad neu drwydded a roddir o dan y Rheoliadau hyn, neu sy'n cael effaith o dan y Rheoliadau hyn neu yn rhinwedd y Rheoliadau hyn;
- cymeradwyaeth a roddir o dan reoliad 13(6) neu gymeradwyaeth y cyfeirir ati yn rheoliad 54(1);
- hysbysiad a roddir gan arolygydd iechyd planhigion neu awdurdod priodol o dan y Rheoliadau hyn, neu sy'n cael effaith o dan y Rheoliadau hyn neu yn rhinwedd y Rheoliadau hyn.

Gwybodaeth Cychwyn

11 Rhl. 38 mewn grym ar 27.3.2020, gweler [rhl. 1](#)

Methu â chydymffurfio â gofynion hysbysiadau etc.

39. Mae person yn cyflawni trosedd os yw'n methu â chydymffurfio â'r canlynol—

Statws Golwg cyfnod mewn amser fel yr oedd ar 13/11/2020.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Rheoliadau Rheolaethau Swyddogol (Iechyd Planhigion ac Organeddau a Addaswyd yn Enetig) (Cymru) 2020, RHAN 11. (See end of Document for details)

- (a) darpariaeth neu amod mewn hysbysiad a gyflwynwyd i'r person o dan y Rheoliadau hyn neu sy'n cael effaith o dan y Rheoliadau hyn neu yn rhinwedd y Rheoliadau hyn,
- (b) darpariaeth neu amod mewn awdurdodiad neu drwydded a roddwyd i'r person o dan y Rheoliadau hyn neu sy'n cael effaith o dan y Rheoliadau hyn neu yn rhinwedd y Rheoliadau hyn, neu
- (c) darpariaeth neu amod mewn cyfarwyddyd a roddir o dan y Rheoliadau hyn.

Gwybodaeth Cychwyn

I2 Rhl. 39 mewn grym ar 27.3.2020, gweler [rhl. 1](#)

Amddiffyniad: esgus rhesymol

40. Mae'n amddiffyniad i berson a gyhuddir o drosedd o dan reoliad 38 neu 39 ddangos bod ganddo esgus rhesymol dros dorri'r gwaharddiad neu'r gofyniad o dan sylw neu dros fethu â chydymffurfio â hwy.

Gwybodaeth Cychwyn

I3 Rhl. 40 mewn grym ar 27.3.2020, gweler [rhl. 1](#)

Darparu gwybodaeth ffug neu gamarweiniol

41. Mae person yn cyflawni trosedd os yw'r person hwnnw, at ddibenion sicrhau awdurdodiad neu drwydded neu at ddibenion sicrhau y dyroddir pasbort planhigion neu dystysgrif—

- (a) yn fwriadol neu'n ddi-hid yn gwneud datganiad neu sylwadau sy'n ffug o ran manylyn perthnasol,
- (b) yn fwriadol neu'n ddi-hid yn darparu dogfen neu wybodaeth sy'n ffug o ran manylyn perthnasol, neu
- (c) yn fwriadol yn methu â datgelu unrhyw wybodaeth berthnasol.

Gwybodaeth Cychwyn

I4 Rhl. 41 mewn grym ar 27.3.2020, gweler [rhl. 1](#)

Defnyddio pasbortau planhigion neu dystysgrifau yn amhriodol

42.—(1) Mae person yn cyflawni trosedd os yw'r person hwnnw—

- (a) yn dyroddi pasbort planhigion neu dystysgrif yn anonest,
- (b) yn newid pasbort planhigion neu dystysgrif yn anonest, neu
- (c) yn aildefnyddio pasbort planhigion neu dystysgrif yn anonest.

(2) Ym mharagraff (1), ystyr "tystysgrif" yw dystysgrif ffyfoiechydol ar gyfer allforio, dystysgrif ffyfoiechydol ar gyfer ailallforio neu dystysgrif cyn-allforio.

Gwybodaeth Cychwyn

I5 Rhl. 42 mewn grym ar 27.3.2020, gweler [rhl. 1](#)

Rhwystro

43.—(1) Mae person yn cyflawni trosedd os yw'r person hwnnw—

- (a) yn fwriadol yn rhwystro arolygydd iechyd planhigion neu berson awdurdodedig sy'n gweithredu i weithredu neu orfodi Rheoliad Iechyd Planhigion yr UE, y Rheoliad Rheolaethau Swydddogol neu'r Rheoliadau hyn,
- (b) heb esgus rhesymol, yn methu â rhoi i arolygydd iechyd planhigion neu berson awdurdodedig unrhyw gymorth neu wybodaeth y mae'n rhesymol i'r arolygydd neu'r person awdurdodedig eu gwneud yn ofynnol at y dibenion hynny, neu
- (c) yn methu â dangos dogfen neu gofnod pan fo awdurdod priodol neu arolygydd iechyd planhigion sy'n gweithredu i weithredu neu orfodi Rheoliad Iechyd Planhigion yr UE, y Rheoliad Rheolaethau Swydddogol neu'r Rheoliadau hyn yn ei gwneud yn ofynnol iddo wneud hynny.

(2) Ym mharagraff (1), ystyr "person awdurdodedig" yw person a awdurdodwyd gan awdurdod priodol.

Gwybodaeth Cychwyn

16 Rhl. 43 mewn grym ar 27.3.2020, gweler [rh. 1](#)

Trosedd ynglŷn â datgelu gwybodaeth a ddelir gan Gyllid a Thollau

44. Mae person yn cyflawni trosedd os yw'n datgelu unrhyw wybodaeth a gafwyd oddi wrth Gomisiynwyr Cyllid a Thollau Ei Mawrhydi o dan reoliad 34(1) ac—

- (a) bod yr wybodaeth yn ymwneud â pherson y mae ei fanylion adnabod wedi eu pennu yn y datgeliad, neu y gellir eu casglu o'r datgeliad,
- (b) bod y datgeliad yn ddatgeliad at ddiben heblaw'r un a bennir yn rheoliad 34(1), ac
- (c) nad yw'r Comisiynwyr wedi rhoi eu cydsyniad i'r datgeliad ymlaen llaw.

Gwybodaeth Cychwyn

17 Rhl. 44 mewn grym ar 27.3.2020, gweler [rh. 1](#)

Amddiffyniad: datgelu cyfreithlon

45. Mae'n amddiffyniad i berson a gyhuddir o drosedd o dan reoliad 44 brofi ei fod yn credu'n rhesymol—

- (a) bod y datgeliad yn gyfreithlon, neu
- (b) bod yr wybodaeth ar gael i'r cyhoedd yn flaenorol a hynny mewn modd cyfreithlon.

Gwybodaeth Cychwyn

18 Rhl. 45 mewn grym ar 27.3.2020, gweler [rh. 1](#)

Troseddau gan gyrff corfforedig

46.—(1) Pan fo trosedd o dan y Rhan hon wedi ei chyflawni gan gorff corfforedig ac y profir bod y drosedd—

- (a) wedi ei chyflawni gyda chydysyniad neu ymoddefiad swyddog, neu
- (b) i'w phriodoli i unrhyw esgeulustod ar ran swyddog,
- mae'r swyddog, yn ogystal â'r corff corfforedig, yn euog o'r drosedd ac yn agored i gael ei erlyn a'i gosbi yn unol â hynny.
- (2) Ym mharagraff (1), ystyr "swyddog", mewn perthynas â chorff corfforedig, yw—
- (a) cyfarwyddwr, rheolwr, ysgrifennydd neu swyddog cyffelyb arall i'r corff, neu
- (b) person sy'n honni ei fod yn gweithredu mewn unrhyw swyddogaeth o'r fath.
- (3) Os yw materion corff corfforedig yn cael eu rheoli gan ei aelodau, mae paragraff (1) yn gymwys mewn perthynas â gweithredoedd ac anweithredoedd aelod mewn cysylltiad â swyddogaethau'r aelod hwnnw o reoli fel y mae'n gymwys i un o swyddogion corff corfforedig.

Gwybodaeth Cychwyn

19 Rhl. 46 mewn grym ar 27.3.2020, gweler [rhl. 1](#)

Troseddau gan bartneriaethau a chymdeithasau anghorfforedig

- 47.**—(1) Rhaid i achos am drosedd o dan y Rhan hon yr honnir ei bod wedi ei chyflawni gan bartneriaeth neu gymdeithas anghorfforedig gael ei ddwyn yn erbyn y bartneriaeth neu'r gymdeithas yn enw'r bartneriaeth neu'r gymdeithas.
- (2) At ddibenion achosion o'r fath—
- (a) mae rheolau'r llys ynglŷn â chyflwyno dogfennau yn cael effaith fel pe bai'r bartneriaeth neu'r gymdeithas anghorfforedig yn gorff corfforedig, a
- (b) mae adran 33 o Ddeddf Cyfiawnder Troseddol 1925 (gweithdrefn ynglŷn â chyhuddiad o drosedd yn erbyn corfforaeth)(1) ac Atodlen 3 i Ddeddf Llysoedd Ynadon 1980 (corfforaethau)(2) yn gymwys mewn perthynas â'r bartneriaeth neu'r gymdeithas fel y maent yn gymwys mewn perthynas â chorff corfforedig.
- (3) Mae dirwy a osodir ar bartneriaeth neu ar gymdeithas anghorfforedig wedi ei cholllarnu o drosedd o dan y Rhan hon i'w thalu o gronfeydd y bartneriaeth neu'r gymdeithas.
- (4) Os profir bod trosedd o dan y Rhan hon a gyflawnwyd gan bartneriaeth—
- (a) wedi ei chyflawni gyda chydysyniad neu ymoddefiad partner, neu
- (b) i'w phriodoli i unrhyw esgeulustod ar ran partner,
- mae'r partner, yn ogystal â'r bartneriaeth, yn euog o'r drosedd ac yn agored i gael ei erlyn a'i gosbi yn unol â hynny.
- (5) Ym mharagraff (4), mae "partner" yn cynnwys person sy'n honni ei fod yn gweithredu fel partner.
- (6) Os profir bod trosedd o dan y Rhan hon a gyflawnwyd gan gymdeithas anghorfforedig (heblaw partneriaeth)—
- (a) wedi ei chyflawni gyda chydysyniad neu ymoddefiad un o swyddogion y gymdeithas, neu
- (b) i'w phriodoli i unrhyw esgeulustod ar ran swyddog o'r fath,

(1) 1925 p. 86; diddymwyd adran 33 yn rhannol gan Atodlen 6 i Ddeddf Llysoedd Ynadon 1952 (p. 55), ac fe'i diwygiwyd gan baragraff 19 o Atodlen 8 i Ddeddf Llysoedd 1971 (p. 23) a pharagraff 71 o Atodlen 8, ac Atodlen 10, i Ddeddf Llysoedd 2003 (p. 39) (yn ddarostyngedig i arbedion a bennir yn O.S. 2004/2066).

(2) 1980 p. 43; diwygiwyd Atodlen 3 gan Atodlen 13 i Ddeddf Cyfiawnder Troseddol 1991 (p. 53) a pharagraff 51 o Atodlen 3, a Rhan 4 o Atodlen 37 i Ddeddf Cyfiawnder Troseddol 2003 (p. 44).

mae'r swyddog, yn ogystal â'r gymdeithas, yn euog o'r drosedd ac yn agored i gael ei erlyn a'i gosbi yn unol â hynny.

- (7) Ym mharagraff (6), ystyr "swyddog", mewn perthynas â chymdeithas anghorfforedig, yw—
- un o swyddogion y gymdeithas neu aelod o'i chorff llywodraethu, neu
 - person sy'n honni ei fod yn gweithredu mewn swyddogaeth o'r fath.

Gwybodaeth Cychwyn

I10 Rhl. 47 mewn grym ar 27.3.2020, gweler [rhl. 1](#)

Cosbau

48.—(1) Mae person sy'n euog o drosedd o dan reoliad 38(1), 39, 41, 42 neu 43 yn agored ar gollfarn ddiannod i ddirwy.

- (2) Mae person sy'n euog o drosedd o dan reoliad 44 yn agored—
- ar gollfarn ddiannod, i garchariad am gyfnod nad yw'n fwy na thri mis, i ddirwy neu i'r ddau;
 - ar gollfarn ar dditiad, i garchariad am gyfnod nad yw'n fwy na dwy flynedd, i ddirwy neu i'r ddau.

Gwybodaeth Cychwyn

I11 Rhl. 48 mewn grym ar 27.3.2020, gweler [rhl. 1](#)

Statws

Golwg cyfnod mewn amser fel yr oedd ar 13/11/2020.

Newidiadau i ddeddfwriaeth:

Ar hyn o bryd nid oes unrhyw effeithiau heb eu gweithredu yn hysbys ar gyfer y Rheoliadau Rheolaethau Swyddogol (Iechyd Planhigion ac Organeddau a Addaswyd yn Enetig) (Cymru) 2020, RHAN 11.